

Na osnovu člana 24. Zakona o budžetima - proračunima u Federaciji Bosne i Hercegovine («Službene novine Federacije BiH», broj 19/06), člana 38. tačka 3. Zakona o udruženjima i fondacijama («Službene novine Federacije BiH» broj 45/02), člana 13. Zakona o principima lokalne samouprave („Službene novine Federacije BiH“, broj 49/06), te člana 3. i 25. Statuta Općine Stari Grad Sarajevo – Prečišćeni tekst («Službene novine Kantona Sarajevo», broj 31/08), Općinsko vijeće Stari Grad Sarajevo, na sjednici održanoj 25. februara 2010.godine, donijelo je

ODLUKU

o jedinstvenim kriterijima za raspodjelu sredstava obezbjeđenih u Budžetu Općine Stari Grad Sarajevo za finansiranje boračkih udruženja

Član 1.

Ovom Odlukom utvrđuju se kriteriji za raspodjelu sredstava za redovan rad boračkih udruženja obezbjeđenih u Budžetu Općine Stari Grad Sarajevo za tekuću godinu.

Član 2.

Pravo na dodjelu sredstava iz Budžeta imaju Općinska boračka udruženja registrovana u skladu sa Zakonom o udruženjima i fondacijama (Službene novine FBiH, broj 45/02), a koja su registrovana i imaju sjedište na području Općine Stari Grad Sarajevo.

Član 3.

- (1) Sredstva se dodjeljuju na osnovu Javnog poziva.
- (2) Javni poziv se objavljuje u sredstvima informisanja i na zvaničnoj web-stranici Općine Stari Grad Sarajevo.
- (3) Javni poziv za raspodjelu sredstava raspisuje Općinski načelnik i traje 15 (petnaest) dana od dana objavljivanja.
- (4) Odluku o raspodjeli sredstava iz granta za boračka udruženja donosi Općinsko vijeće.

Član 4.

Pravo prijave na Javni poziv imaju boračka udruženja koja ispunjavaju opće i posebne kriterije, koja imaju sjedište i registrovana su na području Općine Stari Grad Sarajevo

I OPĆI KRITERIJI ZA RASPODJELU SREDSTAVA

- Registriranost kod Ministarstva pravde KS;
- Usvojeni izvještaj o radu Udruženja za prethodnu godinu;
- Usvojeni finansijski izvještaj o utrošku sredstava;
- Realizovani i započeti projekti iz prethodne godine;
- Program rada za narednu godinu;
- Osnovne aktivnosti Udruženja;
- Da ni po kojem osnovu nemaju dugovanje prema Općini.

II POSEBNI KRITERIJI SU:

- Organiziranost i broj članova Udruženja;
- Broj uposlenih u Udruženju u odnosu na broj članova;
- Aktivnosti Udruženja na očuvanju sjećanja na 1992-95. **i 1941-45.** godinu;
- Namjensko korišćenje budžetskih sredstava
- Saradnja i pomoć drugim Udruženjima.

Član 5.

Zahtjev za dodjelu sredstava po raspisanom Javnom pozivu, Udruženja podnose Komisiji Općinskog vijeća za pitanja boraca i žrtava rata na posebnom obrascu za aplikaciju koji je sastavni dio ove Odluke.

Član 6.

Korisnici sredstava su obavezni dodijeljena sredstva koristiti namjenski na slijedeći način:

- a) do **70%** sredstava utrošiti za troškove rada udruženja;
- b) **30%** i više sredstava utrošiti za programe

Član 7.

(1) Visinu sredstava za svako pojedinačno boračko udruženja utvrđuje se Odlukom Općinskog vijeća o raspodjeli sredstava – Grant za boračka udruženja na osnovu prijedloga Komisije Općinskog vijeća za pitanje boraca i žrtava rata (u daljem tekstu: Komisija) i predstavnika Koordinacije boračkih udruženja.

(2) Odobrena sredstva doznačavaju se na tekući račun boračkih udruženja u skladu sa dinamikom priliva sredstava u Budžetu Općine.

Član 8.

(1) Boračka udruženja kojima su doznačena sredstva u skladu sa odredbama ove Odluke obavezna su dostaviti Izvještaj o utrošku sredstava (prilog, kopija računa ili ugovora) Općinskom vijeću i Općinskom načelniku putem Službe za boračka pitanja.

(2) Udruženja koja se, kod korišćenja sredstava, ne budu pridržavala odredaba ove Odluke, neće imati pravo učešća za dodjelu sredstava za narednu godinu.

Član 9.

Stupanjem na snagu ove Odluke prestaje da važi Odluka o okvirnim kriterijima za raspodjelu budžetskih sredstava za redovnu djelatnost boračkih udruženja (“Službene novine Kantona Sarajevo”, broj 19/06”).

Član 10.

Ova odluka stupa na snagu danom donošenja, a naknadno će biti objvaljena u «Službenim novinama Kantona Sarajevo».

Broj: 02-49-
Februar 2010. godine
Sarajevo

**Predsjedavajući
Općinskog vijeća Stari Grad
Sarajevo**

Prof. dr. Rizah Avdić